

## **Fírímóni**

*Ísu wíyómpa'a iyówana Póro moóra-waai úmai sísamaifakemba kae'-áátáiyá'íyo miyáumai-aatai maisuwéna Fírímónin-imayaa éna maanáái agaimái tuwówana wenópa'a kuráiyé. Ááéma Fírímóni kesí kísau maínkwaé séna Ónísímasimba méyámba'mai máánkarowana ména minkísáúgón-áároi inkaiséna f'lon-daopa'a koména Ísun-aaí ísopa'a téna Póro ándáfa'o méropa'a wéawa'nai-uwana Póro séna Ónísímasi tauweráinana Fírímóni aiyáínkwae sé'a maanáúfái agaimái amúne séna agaimái tuwówana Fírímónimpa'a kuráiyé.*

1-2 Fírímóniyo kemá Póro maanáúfái agáúmne. Kesí waási po kesé'a ankarotaré kísau wémaendawi isaaó. Fasi'aénkóní waási ení naaúmpa'o túwaandu owí ísáaro. Ápíyaaó kentáá símanaakowara'a isaaó. Ákípaasiyo keséta taankarotaré fasi'ámai kísau wémaendawi ewará'á isaaó. Ísu Káráisitín-aaí simátimewandarakemba ándáfa'a sínkaraawa'a mé'a maanáúfái agai-amúne. Kenkái sífáko Tímóti kesé'a méraiye.

<sup>3</sup> Kentáásifowa Maníkóe kentáásí Fasi'aénkó Ísu Káráisitiye úwoi túwa'nai esarai faru uwátinkaayantafe'a inái sune.

4-5 Fírímóniyo kentáásí Fasi'aénkó Ísumpa'a amankúnkúmba e Manikóní waási arumbá timé méraanda-aaí isé'a pó'a Manikómpá'ó inaimó sunda entáfé'a imáyáa é'a súwi sune.

6 Kenkáisi kisaugo moórá-i'a isatá méta Káráisitiye'a kááísamaisa méraundasafenasa wemá kawetá uwásínkáisa awánendasafe'a inaiínkémbá Maníkómbá áisai une.

7 Fírímóniyo kesífáko po Fasi'aénkóni waási arumbá timé túwa'nai ónasa aúí'ó úmaimo méraan-ai isé'a aamoí uwánkaunana sirunkó kawé'á isa'á áwa'nai e'a inai sune.

8 Ísu Káráisiti fasi'aémbá símakaimba pó'a ímba inkaisé'a sune. Emá moórá-i'a uwo sé'a súndanifo miyán-áái ímba sénaumpo

9 aáno úmai wempakémbá áisai e'a sune. Sendantembá miyá ínone sénaumne. Emá arumbá siména'a kemá sirumbá wéamunda pó'a aáno úmai wempakémbó simáméndantemba miyá ínone sune. Kemá Poro Ísu Káráisiti wení kisaumo símakaimba wémae'a waurambá káúnasa ándáfa'a sínkaraawa'a mé'a

10 moóráwigon-awi'a Ónísímasintafe'a sune. Ándáfa'a mé'a Fasi'aénkón-ai simámunana iséna Fasi'aénkómpá'á tisa'á sé'a kesí iyámpóíyaamba óne sé'a wentáfé'a sune.

11 Ááema ení kisaú ímba kawé'-úmai maúmba kisaugon-áároi inkaiséna kóuraimbanifo káfé'a kesí kisaú kawé'-úmai maéna ení kisaú kawé'-úmai máíniye.

12 Káfé'a ai'máraanana empá'á wínama kesááninkaan-úmai aiyáínone.

13 Ónísímasimba ta'ótokaanana súwa'nai ínkwae sé'a únda isa'á úwoi miyán-ímáyáá úne. Ísu Káráisitin-ai simátimewandarakeba ándáfa'a mósínkááwa'a méraunda enanondáá Ónísímasi súwa'nai íniye óndanifo

<sup>14</sup> némpa'a mémpo ímba ewé sindasáfé'a pó'a ímba úwoi ta'ótóráanda póna kesé'a ména súwa'nai ínkiye. Ímba súwa'nai ónae sindá súwa'nai ónafainifo ení imáyáafinkemba súwa'nai ínone.

<sup>15</sup> Ónísímasi kisaugon-áároi inkaiséna embá auwéna kárika'a fí'on-daopa'a taméraifo empá'á wéna aasiyaasi komérainiye-imayaa úne.

<sup>16</sup> Fasi'aénkóní waásigomo óndantemba wemá miyá éna enáfákambá póna ímba ení kísau wémaiwai aantembanifo enáfákoraambá éna empá'á winiye. Kemá wembá sirumbó amúndantemba ewará'á arumbá wembá améma kesífá'an-iye sínone.

<sup>17</sup> Fasi'aénkóní kisaugo kenkáísí kisaugo mimbórá-í'a wéimba po kentáfé kesí naaúmpa'a iyuwómó séndantemba Ónísímasintafe miyá siyó.

<sup>18</sup> Embó  
sawí'lo uwánkenamo moóra-tantaa'o  
maiyénamo ímbo amínamo e ímba wenópa'a  
té kesópa'a tina'á kemá méyánónaumne.

<sup>19</sup> Kemá Póro kesiyáántamba agaé'a mimbéyámbá aménaumne súne. Ísu Káráísitin-  
aai simámewana érai'e siyáanda maé'mae'o inda-  
méyámbá kempá'á wéraimba po ímba kanaa'á  
méyáninda-aain-iye.

<sup>20</sup> Kesífákoo Fasi'aénkóní waási ómpo áisai  
úndantemba miyá ina'á Fasi'aénkón-aúranka'a  
aúí'a úmai méraano.

<sup>21</sup> Maanáúfáímó agaúnda imáyáa é'a sé'a kesáái

isé áísai úndantemba miyá ínone. Emó indawí kemó áísai úndawimba íyáákainone.

22 Empá'á ke kondasáfé kesí mááraru'a to'mayaa uwásinkaa. Ándáfakemba faúsinkaiya'a ení naaúmpa'a kondasáfé Maníkómpá'á inai simásinke moóra-maararu'a to'mayaa uwásinkaa.

23 Moóráwigo-awí'a Épáfarasi Ísu Káráisitinaimo simátimunkakemba ándáfa'a ánkaraawana kesé'a ména kembiwísáféna séna kawé'-úmai méraaro wésiye.

24 Kesé'a kisaumo máéwi-tuwi'a moóráwigo Máákaani moóráwigo Árísítakasini moóráwigo Tímasini moóráwigo Rúku miwí sésa kawé'-úmai méraaro wésewe.

25 Fasi'aénkó Ísu Káráisiti kesé'a ména úwoi wétuwa'nai-intafe'a inai sune.

*Kemá Póro mináái simai tai'láúmne.*

**Aú-aaí símai kááísamakain-aaí  
The New Testament in the Awiyaana language of  
Papua New Guinea  
Nupela Testamen long tokples Awiyaana**

copyright © 1984 Wycliffe Bible Translators, Inc.

Language: Awiyaana

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-08-17

---

PDF generated using Haiola and XeLaTeX on 18 Mar 2025 from source files dated 31 Aug 2023

0dda5aa4-c019-59cf-b9ee-e1fd4762d49c